

STATUTI

i shoqërisë tregtare TIARE sh.p.k.

I. KRIJIMI, FORMA, EMËRTIMI, OBJEKTI

Neni 1: Data e Themelimit, Emri dhe Themeluesi

Sot, më 02/02/2022, z. Edison Barhani, ka krijuar një shoqëri me përgjegjësi të kufizuar me emrin TIARE sh.p.k.

Neni 2: Selia

Shoqëria TIARE sh.p.k., me seli në Rr. Kavajes, Nd.223, H.18, No.5, Tiranë, është krijuar sipas këtij statuti i cili është i hartuar dhe i nënshkruar nga Ortaku i Vetëm i saj z. Edison Barhani. Ajo mund të hapë filjale, degë e zyra në të gjithë vendin në përputhje me dispozitat ligjore në fuqi. Shoqëria ka vulën dhe emërin e saj.

Neni 3: Legjislacioni

Shoqëria e zhvillon veprimtarinë e saj tregtare në përputhje me legjislacionin shqiptar në fuqi, bazuar në ligjin 9901 dt 14.04.2008 "Per tregtaret dhe shoqerite tregtare" i ndryshuar nëpërmjet ligjit 129/2014 data 02.10.2014, dhe të akteve të tjera ligjore dhe nënligjore, që rregullojnë fushën e regjistrimit, liçensimit dhe funksionimit të subjekteve tregtare në Republikën e Shqipërisë.

Neni 4: Objekti

Shoqëria TIARE sh.p.k. do të ketë për objekt të veprimtarisë së saj:

- Shërbime mjekësore
- Shitje dhe blerje paisje mjekësore dhe barnave
- Shitje dhe blerje paisje jo mjekësore dhe produkte jo kozmetikë
- Krijim dhe shitje të produkteve mjekësore dhe jo mjekësore

Neni 5: Kohëzgjatja

Kohëzgjatja e shoqërisë është përcaktuar për një periudhë kohore mbi 10 vjet.

II. KAPITALI

Neni 6: Kapitali Themeltar

Kapitali themeltar i shoqërisë është 1 000 000 (një milion) lekë. Kapitali është 100% nga kuotat e ortakut të vetem, dhe përbëhet nga 1 kuotë me vlerë nominale prej 1 000 000 leke. Kapitali themeltar i takon ortakut themelues. Kontributi mund të jetë në para ose në natyrë (pasuri të luajtshme/të paluajtshme apo të drejta)

Neni 7: Zmadhimi dhe Zvogëlimi i Kapitalit

Me vendim të ortakut, kapitali i shoqërisë mund të zmadhohet nëpërmjet kontributeve në para ose në natyrë. Po kështu mund të zvogëlohet kur kjo gjë motivohet nga humbjet që pëson shoqëria.

Neni 8: Transferimi i Kapitalit

Pjesët e kapitalit themeltar mund t'u transferohen të tretëve me miratim të Ortakut të Vetëm. Po kështu mund të përfshihet në shitblerje aksionesh me shoqëri të tjera duke u kthyer në filjale, shoqëri kontrolluese ose e kontrolluar nga një shoqëri tjetër.

Pjesët e kapitalit themeltar janë lirisht të transferueshme në rrugë trashëgimie, në rast ndarje pasurore mes bashkëshortëve, ndërmjet bashkëshorteve si dhe ndërmjet paraardhësve e pasardhësve.

Gjithashtu, kuotat e kapitalit të një shoqërie me përgjegjësi të kufizuar e të drejtat që rrjedhin prej tyre mund të fitohen apo kalohen edhe nëpërmjet: kontributit në kapitalin e shoqërisë, dhurimit dhe çdo mënyre tjetër të parashikuar me ligj.

Në çdo rast, transferimi i pjesëve të kapitalit themeltar, duhet të vërtetohet me një akt noterial.

III. MARRJA E VENDIMEVE, ADMINISTRIMI, KOMPETENCAT DHE KONTROLLI I SHOQËRISË

Neni 9: Organi Vendimmarrës

Të gjitha vendimet e shoqërisë merren nga Ortaku i Vetëm duke u bazuar në dispozitat ligjore të përcaktuara në ligjin "Për shoqërite tregëtare". **AI VENDOS VETE KRYESISHT PËR KËTO ÇËSHTJE:**

- Merr vendime për ndryshimin e formës, emërtimit, selisë, kapitalit, veprimtarisë së shoqërisë, ndryshim në zotërimin e kuotave të kapitalit të shoqërisë, pranim të ortakëve, pjesëmarrjen e shoqërisë në shoqëri të tjera dhe anasjelltas.
- Miraton raportet financiare e bilancin vjetor, vendos për përdorimin e fitimit, organizimin e shoqërisë dhe për prishjen e saj.
- Emëron dhe shkarkon administratorin, likuidatorin, ekspertët kontabël si dhe drejton

- veprimtaritë e rëndësishme të shoqërisë.
- Emëron dhe shkarkon drejtuesin teknik të shoqërisë.
- Përcakton politikat tregtare të shoqërisë.
- Ndryshon e statutin.
- Vendos për çështje të tjera të parashikuara nga ligji apo statuti.

Marrja e vendimeve realizohet me iniciativën e Ortakut të Vetëm ose me kërkesë të administratorit, të ekspertit kontabël, të cilët në këtë rast duhet t'i njoftojnë Ortakut projektin dhe relacionin shpjegues 15 ditë përpara takimit.

Neni 10: Administrimi

Shoqëria administrohet nga një person fizik që mund të jetë vet Ortaku i Vetëm ose një person tjetër i emëruar në këtë detyrë.

Administratori i Parë i Shoqërisë emërohet z. Edison Barhani.

- Administratori ka të gjitha kompetencat për të kryer veprimet e administratorit, në interes të shoqërisë dhe në emër të saj, nëpërmjet kompetencave të përcaktuara në këtë statut.
- Administratori emërohet dhe shkarkohet me vendim të Ortakut të Vetëm.
- Kohëzgjatja e mandatit të administratorit është për 3 (tre) vite financiare radhazi dhe mund të përsëritet. Mandati përfundon përpara këtij afati kur administratori nuk plotëson kushtet për të kryer këtë detyrë, jep doreheqjen ose shkarkohet me vendim të Ortakut të Vetëm a nga një vendim gjykatë.

Drejtor Teknik i Shoqërisë emërohet z. Edison Barhani.

Neni 11: Përgjegjësitë e Administratorit

Administratori është përgjegjës, sipas rastit, ndaj shoqërisë ose ndaj të tretëve, për shkelje të ligjeve, për shkelje të statutit, apo për faje të kryera gjatë administrimit të shoqërisë.

Neni 12: Kompetencat e Administratorit

Disa nga kompetencat që i jepen administratorit janë:

- Të sigurojë drejtimin e mirë të veprimtarisë tregtare të shoqërisë.
- Të administrojë pasuritë e shoqërisë.
- Të përfaqësojë shoqërinë në marrëdhëniet me të tretë.
- Të përfaqësojë shoqërinë në marrëdhëniet me organet e institucionet shtetërore, para organeve gjyqësore vetë ose duke autorizuar persona të tjerë kompetent.
- Të kryejë veprime juridike në emër e për llogari të shoqërisë me të tretët si: të lidhë kontrata, të kryejë veprime bankare të ndryshme si çelje llogarish, marrje kredie, transferta etj.

Neni 13: Kontrolli i Veprimtarisë

Kontrolli i veprimtarisë ekonomiko-financiare të shoqërisë realizohet me vendim të Ortakut të Vetëm.

IV. VITI FINANCIAR DHE LLOGARITË VJETORE

Neni 14: Viti Financiar

Viti financiar fillon më 1 Janar dhe perfundon më 31 Dhjetor. Përjashtimisht nga kjo, viti i parë financiar ka filluar ditën e themelimit të shoqërisë në Qendren Kombetare të Biznesit.

Neni 15: Raportet mbi Vemprimtarinë

Llogaritë vjetore, inventaret, raportet mbi veprimtarinë e vitit financiar të hartuara nga administratori ose financieri i autorizuar, miratohen nga Ortaku i Vetëm, brenda një afati prej 3-muaj nga mbyllja e vitit financiar.

Neni 16: Bilanci Vjetor

Bilanci vjetor i shoqërisë nxirret brenda datës 31 Mars të vitit pasardhës.

Neni 17: Shpërndarja e Fitimeve

Fitimet neto të realizuara nga veprimtaria e shoqërisë, mbasi të jenë zbritur të gjitha shpenzimet e kryera, detyrimet fiskale, rezerva e domosdoshme etj., i shpërndahen Ortakut ose me vendim të tij mund të përdoren për investime, nxitjen e veprimtarisë tregëtare, reklama dhe për çdo qëllim tjetër të ligjshëm dhe që i shërben shoqërisë.

V. PUNËSIMI NË SHOQËRI

Neni 18: Marrëveshjet e Punësimit

Marëdhëniet juridike ndërmjet shoqërisë dhe personave që punësohen në të, rregullohen ndërmjet kontratave të punës bazuar në kodin e Punës dhe dispozitat e tjera ligjore në fuqi.

Neni 19: Sigurimet Shoqërore e Shëndetësore

Shoqëria merr përsiper, të shlyej rregullisht të gjitha detyrimet e saj që burojnë nga legjislacioni për sigurimet shoqërore e shëndetësore lidhur me të punësuarit e saj.

VI. PRISHJA E SHOQËRISË, LIKUJDIMI

Neni 20: Prishja e Shoqërisë

Shoqëria priset përpara kohe kur:

- Rezultati ekonomik i aktivitetit të saj për disa vite radhas është me humbje.
- Për shkaqe të pa parashikuara shprehimisht në ligj.
- Në çdo rast tjetër me vendim të ortakut të vetëm.

Neni 21: Shpallja në Likuidim

Shoqëria mund të shpallet në likuidim me vendim të Ortakut të Vetëm të saj ose nëpërmjet një

vendimi nga gjykata në bazë të ligjit. Ajo hyn në procesin e likuidimit që në momentin e marrjes së vendimit. Për realizimin e këtij procesi Ortaku ose Gjykata emërojnë një ose më shumë likuidatorë, të cilët përgatisin dhe paraqesin raportin përmbyllës të aktivitetit dhe pasivitetit të shoqërisë dhe bilanci përkatës.

VII. KUSHTE TE TJERA

Neni 22: Rregjistri i Vendimeve

Të gjitha vendimet e marra nga Ortaku i Vetëm evidentohen në një libër të veçantë, i cili administrohet në selinë e shoqërisë.

Neni 23: Mosmarrëveshjet

Për të gjitha mosmarrëveshjet që mund të lindin gjatë veprimtarisë së shoqërisë dhe që nuk mund të zgjidhen më mirëkuptim, organ kompetent për zgjidhjen e tyre është Gjykata e Rrethit ku ka selinë shoqëria, referuar legjislacionit shqiptar në fuqi.

*ORTAK DHE THEMELUES I VETËM
I SHOQËRISË ME PËRGJEGJËSI TË KUFIZUAR*
TIARE sh.p.k.

Edison Barhani



02.02.2022